



## Павелнің Галат чиріндегілерге пічии

Тастых турған Галат чиріндегі (сағамғы Түрк чирінің өөн чардығы) христиан тигірибін Павел наа эраның 40 чылларында пастағы миссионер чорығында төстеп салған.

Павел Галат чирінең парыбысхан соонда, түрче итпинен, киртініске наа ла айланған кізілерзер пасха үгретчілер килібіскеннер. Олар, Худайдаң арачыланыс алар үчүн, Моисей Чахиин толдырарға паза сүннет кистірге кирек полчатханнаңар үгреткеннер. Олар идök Павелнің, Христостанар Чахсы Хабарны чарыда чоохтап, үгредері үчүн, сынында пілізі читкіче нимес тіп, чоохтааннар. Павел анзынаңар піл салып, тың хомзын парған паза, пу чой үгредіден тоғыр күрезер үчүн, Галаттағы наа тигіриблерге пічік пазыбысхан.

Ол пічік нинче-нинче чардыхтығ пол парған: 1) Павел поэының Христостың илчізі хайди полыбысханынаңар чоохтааны (1–2 пастағлар); 2) Худай кізілерге Моисей Чахиин толдырчатханнаңар нимес, че Иисус Христосха киртіністің сылтаанда пирчеткенін киречілеені (3:1–5:12); 3) Чахсы Хабарның сылтаанда Худай Худы паза хыныс устачатхан чуртастанар пасханы (5:13–6:10); 4) тоозылғаны (6:11-18).

### *Алғас*

**1**<sup>1-2</sup> Кізілерден нимес, кізінің дее пастыра нимес, че Иисус Христостың паза Аны өліглерден тірілдірген Худай Пабаның пастыра илчі<sup>с</sup> полыбысхан Павел Галат чиріндегі тигірибге<sup>с</sup> пасчам. Идök миннең хада полчатхан прай харындастар сігерге изен читірчелер. <sup>3</sup>Худай Пабабыстан паза Хан-пигібіс<sup>с</sup> Иисус Христостан паарсас паза амыр хоных сігерге ползын. <sup>4</sup>Худай Пабабыстың көнні хоостыра Иисус Христос, пісті пу чабал тустардан осхырарға тіп, пістің чазыхтарыбыс<sup>с</sup> үчүн Поэының чуртазын пир салған нооза. <sup>5</sup>Ағаа хақан даа сабланыс ползын. Аминь<sup>с</sup>.

### *Чалғыс сын Чахсы Хабар*

<sup>6</sup> Мин сіерге хайхапчам! Худай сіерні Христостың паарсазынаң хығыртхан. Сіер, тізең, пасха Чахсы Хабарға піди табырах сабылчазар. <sup>7</sup> Сынында пасха Чахсы Хабар чоғыл. Че сіерні алчаахтырчатхан паза Христостың Чахсы Хабарын тискер чоохтапчатхан кізілер ле пар. <sup>8</sup> Піс позыбыс таа алай тигірдегі ангел<sup>с</sup> дее піс чарлабаан Чахсы Хабарны чарлап сыхса, анзына харғас түссін. <sup>9</sup> Сіер постарына алынған Чахсы Хабардан пасхазын чарлапчатханнарға харғас түссін тіп, алында даа чоохтаан полғабыс, сағам даа мин чоохтапчам.

<sup>10</sup> Ам мин кізілернің ме, Худайның ма чахсы хылынғанын тілепчем? Кізілернің көнніңче поларға күстенчем ме? Мин пу тузыма читіре кізілернің көнніңче пол чөрерге харасхан ползам, Христостың хулы полбасчыхпын.

### *Павел хайди илчі пол парған*

<sup>11</sup> Харындастар, мин чарлаан Чахсы Хабар кізідең полбинчатханын сіерні пілзіннер тіп сағынчам. <sup>12</sup> Мин аны кізідең алып үгренмеем, аны мағаа Иисус Христос асхан.

<sup>13</sup> Мин иудей<sup>с</sup> чозахтарынча чуртап, Худай тигірибін чабал сүргем паза аны чох идерге күстенгем. <sup>14</sup> Пістің сөөктегі пір кіримнерімнің аразында иудей чозахтарын мин прайзынаң артых толдырғам, ағаларыбыстың чахығларын көмес тее хыйыстырбасха күстенгем. <sup>15</sup> Ах-чарыхха төреенімдөк, Худай Позының паарсазы пастыра мині таллап, мағаа чахсы көннің көзідіп, <sup>16</sup> минде Позының Оолғын асхан. Ол анзын Худайы чохтарның аразында мин Иисус Христостанар үгредерім үчүн иткен. Мин кізілернең чөптеспеем. <sup>17</sup> Миннең пурун илчі полыбысханнарға даа тоғазарға Иерусалимзер парбин, Арав чирінзер чөрібіскем. Анаң пазох Дамаск саарзар айланғам. <sup>18</sup> Ыс чыл ирткен соонда, мин, Пётрнан\* танызып аларға тіп, Иерусалимзер парғам. Анда он пис күн полғам. <sup>19</sup> Иаковтан, Хан-пигнің харындазынаң, пасха илчі көрбеем. <sup>20</sup> Худай мағаа киречі, мин сіерге пір дее чой ние паспинчам. <sup>21</sup> Аның соонда мин Сирий паза Киликий чирлерінзер парғам. <sup>22</sup> Христостың Иудей чиріндегі<sup>с</sup> тигіриблері, тізең,

---

\* 1:18 Грек тілінде «Кифа» пазылған. «Кифа» Пётрның еврей ады. Көр ідөк 2:11, 14.

ол туста міні сырайға таныбааннар. <sup>23</sup>Че ол кізілер миннеңер мыны искен полғаннар: «Пісті хачан-да сүрген кізі поэюх чох иткен киртіністі таратча». <sup>24</sup>Аны истіп, олар минің үчүн Худайны саблааннар.

### *Илцілер Павелнең чөпке кірчелер*

**2** Аның соонда, он төрт чыл пазынан, мин, Варнаванан Титті хада алып, пазох Иерусалимзер парғам. <sup>2</sup>Худайдан азылғаны хоостыра чол сыххам. Мин Худайы чохтарның аразында чарлаан Чахсы Хабарданар мындағы тигірибге искіріг иткем. Тигірибнің улуғларына, тізең, өнетін искіріг иткем. Алында даа, сағам даа кўзім тик салбинчам ма тіп пілерім килген. <sup>3</sup>Че олар миннең хада полған Титті, грек тее полза, сўннет<sup>c</sup> идерге кўстебееннер. <sup>4</sup>Анзын харындастарыбыс пол чөрген кізілер хысханнар. Олар, Иисус Христостың пастыра алған пос чуртазыбысты китирге сыынып алып, пісті пазох хуллерға айландыр саларға пөгінгеннер. <sup>5</sup>Піс, Чахсы Хабарның сынын сірерге хайраллап халарға кўстеніп, оларның ондайынча көмес тее полбаабыс. <sup>6</sup>Тигірибнің улуғларынаңар чоохтаза, мин кізілерні талластырбинчам. Худай даа талластырбинча. Олар, тізең, улуғлар, Чахсы Хабарға үгреткеніме хоза нима хыспааннар. <sup>7</sup>Че улам олар мыны сизінгеннер: Пётрға иудейлернің аразында чіли, мағаа пасха чоннарның аразында Чахсы Хабарны чарлиры пирілген. <sup>8</sup>Худай Пётрны иудейлернің аразында илчі поларға турғысхан. Олох мині пасха чоннарның аразында илчі поларға турғысхан. <sup>9</sup>Тигірибнің орха-сөбгіне саналчатхан Иаков, Кифа паза Иоанн, мағаа пирілген паарсастанар піл салып, хада полчатханыбысты киречілеп, мағаа паза Варнаваа холларын пиргеннер. Олар пістің пасха чоннарзар, постары, тізең, иудейлерзер парарларынан чарас салғаннар. <sup>10</sup>Че пір нимедеңер сурынғаннар: чох-чоостарны ундубаңар. Мин анзын, пір дее хыйыстырбин, толдырарға кўстенгем.

### *Пётрны іле сығарғаны*

<sup>11</sup>Пётр Антиох саарзар килгенде, мин аның саба иткенін ағаа көні чоохтаам. <sup>12</sup>Иаковнаң хайзы кізілер килгелекте, ол иудей нимес харындастарнаң хада чічен. Иудейлер килгеннерінде, тізең, олардаң хорығып, иудей нимес харындастардаң хыйа полып, алынча тудын сыххан. <sup>13</sup>Аны көріп, пасха даа иудейлер

чойырхап чӧргеннер. Варнава даа оларның чойырхааннарына сабыл парыбысхан. <sup>14</sup>Че мин оларның Чахсы Хабарның сыны хоостыра тудынминчатханнарын кӧр салғанымда, андада Пётрға прайзының кӧзіне теем: «Син, иудей полчадып, иудей нимес пасха чон чіли чуртапчазың. Андағда ноға пасха чон иудейлер чіли чуртазын тіп кӱстепчезің?

<sup>15</sup>Піс төрееннең иудейлербіс, піс Худайы чоhtar осхас чазыхтығ нимеспіс. <sup>16</sup>Моисей Чахиин<sup>с</sup> толдырғаннаң нимес, че Иисус Христосха ла киртініс пастыра кізінің ахтанчатханын піліп алып, піс тее Христос Иисусха киртін сыххабыс. Піс Моисей Чахиин толдырғаннаң нимес, че Христосха киртінгеннең ахтанып алар үчүн киртін сыххабыс. Моисей Чахиин толдырғанынаң пірдеезі ахтан полбас нооза. <sup>17</sup>Христоста ахтанып аларын тілепчетсебіс, поэыбыс таа чазыхтығ пол парчатсабыс, андада Христос чазыхха тоғынчатхан полча ба? Чох, андағ нимес». <sup>18</sup>Мин поэым сайбаан нимені хатап пӱдірчетсем, мин поэым поэымны сайбағчы итчем нооза. <sup>19</sup>Моисей Чахиині міні өліг ит салған. Мин, Худайға чуртир үчүн, Моисей Чахиинна өл парғам. Мин Христоснаң хада кіреске<sup>с</sup> хазаттырт салғам. <sup>20</sup>Амды мин поэым чуртабинчам, минде Христос чуртапча. Сағам пу поэым чуртапчатханым, тізең, Худайның Оолғына киртініснең чуртапчатханым полча. Ол мағаа хынча паза минің үчүн Поэын өлімге пир салған. <sup>21</sup>Худайның паарсазын хыйа итпинчем. Че ахтанғаны Моисей Чахиинның пастыра иділчетсе, Иисус тикке ле өл парғанға килісче.

### *Моисей Чахиин алай киртініс*

**3** Йо, сағыс чох галаттар. Сынның сӧзін испеске кем сірерні аптап алған? Мин сірерге Чахсы Хабарны чарлаанымда, сірерге Иисус Христостың кіреске хазаттыртханы іле кӧрінмеен ме? <sup>2</sup>Сірердең пір ле ниме пілерім килче: сірер, Моисей Чахиин толдырып, Худай Худын<sup>с</sup> алғазар ба? Алай Чахсы Хабарны истіп, киртініс пастыра аны алғазар ба? <sup>3</sup>Сірер андағ сағызы чоxsар ба? Сірер, Худай Худының устаанынаң чуртас пастап алып, амды пос кӱзіне ізен сыхтаар. <sup>4</sup>Анча кӧп сыдас парғаннарың тузазы чох полды ба? Йо, ол сыннаң даа тузазы чох полған ма? <sup>5</sup>Худай сірерге Худай Худын пирче паза сірернің араңарда хайхастар<sup>с</sup> итче. Ол аны Моисей Чахиин толдырчатханнарыңнаңар итче бе? Алай Чахсы Хабарны истіп, ағаа киртінчеткеннеріңнеңер

итче бе? <sup>6</sup> Авраам<sup>с</sup> Худайға киртін парған. Аннаңар Худай аны ахталғанға санаан.

<sup>7</sup> Киртіністіг кизілер сынында Авраамның ооллары полчатханнарын пілінер зе. <sup>8</sup> Худай киртініс пастыра пасха чоннарны ахтап салар тіп, Худай Пічиинде<sup>с</sup> азынадох чоохталған полған. Авраамға даа Чахсы Хабарның пастыра азынада чарлалған: синнен прай чоннар алғас<sup>с</sup> аларлар. <sup>9</sup> Аннаңар киртістіг Авраамнаң хада киртіністіглер алғас аларлар. <sup>10</sup> Моисей Чахиина төстенчеткеннер, тізең, харғадарлар. Пазылых нооза: чахыңлар киндезінде прай пазыл парған нимені сыбыра толдырбинчатхан кизи харғадар. <sup>11</sup> Моисей Чахиин толдырып, Худайның алнында ахтан полбазы іле көрінче. Арығ чүректіг<sup>с</sup> киртіністің сылтаанда чуртир. <sup>12</sup> Моисей Чахии, тізең, киртініске пір дее хайди теелбинче. Че чахыңны толдырған сылтаанда чуртир. <sup>13</sup> Христос пісті Моисей Чахиинда пазылых харғастаң ал халған. Позы, тізең, пістің орныбысха харғатхан. Ағаста палғат салғаны харғатхан тіп пазылых нооза. <sup>14</sup> Авраамның алғазы Худайы чохтарға Христос Иисустың пастыра чидер үчүн, Христос іди иткен. Аның сылтаанда піс тее Худайның молчаан Худын киртініс пастыра аларбыс.

### *Моисей Чахии паза Худайның молчаа*

<sup>15</sup> Харындастар! Олаңай кизи чили чоохтапчам: кизиниң дее хумартхы сөзін пірдеези сайбап полбас, ағаа пір дее ниме хос полбас. <sup>16</sup> Авраамға, тізең, паза аның үреніне молчағлар пирілген полған. «Үреніңе» теени көп кизидеңер нимес, че пір кизидеңер чоохтапча. «Синиң үренің» теени Христосты таныхтапча. <sup>17</sup> Мин мына ниме чоохтапчам: Христостанар Молчағны Худай алынадох пирген. Төрт чүс отыс чыл аның соонаң турғызылған Моисейниң Чахии Худайның Молчаан сайбабинча паза аны чох итпинче. <sup>18</sup> Үлескен үлүзін Моисей Чахиинаң пастыра ла алчатса, Худайның молчаа хоостыра аны ал полбас. Итсе Худай паарсазын Авраамға молчағ хоостыра читирген.

<sup>19</sup> Моисей Чахии нимее киректір? Ол сайбағ ниме полчатханын көзидер үчүн турғызылған. Моисей Чахии Худай молчаан үрен килер тузына теере турғызыл парған. Ол чахың ангеллерниң пастыра чарастырығчының холынаң пирілген. <sup>20</sup> Пір кизее чарастырығчы кирек чоғыл. Худай, тізең, пір.

### *Моисей Чахииньң пөгіні*

<sup>21</sup> Ол ондайнаң Моисей Чахии Худайның молчаана тоғыр ба? Чох! Тын пирчеткен чахығ полған полза, ол чахығ сыннаң ахтирчых. <sup>22</sup> Че Худай Пичии прайзын чазыхтығ тіп чарлаан. Анна-нар Худай молчаа Иисус Христосха киртініс пастыра киртінчеткеннерге пирілче. <sup>23</sup> Киртініс килгелекте, тізең, пісті прайзыбысты чахығ хадарған. Піс пиктегде киртініс килер тусха теере полғабыс. <sup>24</sup> Ол ондайнаң, киртініс пастыра ахтадып алар үчүн, чахығ піске Христоссар ағылған үгретчібіс полған. <sup>25</sup> Киртініс килгенде, тізең, піс үгретчінің холындағы палалар полбиныбысхабыс. <sup>26</sup> Сіреп прайзынар Христос Иисусха киртіністерің хоостыра Худайның оолларызар нооза. <sup>27</sup> Сіреп, Христоснаң пір полар үчүн, кіреске түзіп<sup>c</sup>, Христос осхас полыбысхазар. <sup>28</sup> Амды иудей дее, грек тее чоғыллар, хул даа, пос кізі дее, ирен дее, ипчі дее чоғыллар. Сіреп прайзынар Христос Иисуснаң пір пол парғазар. <sup>29</sup> Христости полчатсанар, тізең, сіреп Авраамның үрені полчазар. Иди Худай молчаа хоостыра үлеен үлүсті ээленчезер.

**4** Паза мындағ ниме чоохтирым: үлескен үлүзін ээленчеткен кізі прай нименің ээзі полчатса даа, пала тузында хулдан пір дее пасхалалбинча. <sup>2</sup> Ол пабазы таныхтаан тусха теере аны көрчеткен, ибінең устапчатхан кізінің холында чөрче. <sup>3</sup> Піс тее ідөк, олған тузыбыста, пу тилекейні пүдірчеткен күстернің үлгүзінде полғабыс. <sup>4</sup> Че таныхтаан тузы чит килгенде, Худай Позының чалғыс Оолғын ысхан. Ол ипчіден төреен, чахығның холында полған. <sup>5</sup> Анзы чахығның холында чөрген кізілер ахтанып алар үчүн, піс, тізең, палалары полыбызар үчүн иділген. <sup>6</sup> Сіреп Аның палалары полчазар. Худай сірернің чүректеріне Позының Оолғының Худын ысхан. Ол Хут «Авва\*, Пабам» тіп хығырча. <sup>7</sup> Аннаңар син хул нимессің, оолғызың. Оолғы полчатханында, Иисустың пастыра Худайның үлеен үлүзін ээленчеткен кізізі полчазың.

### *Павелнің галаттардаңар сағыссырааны*

<sup>8</sup> Че ол туста сіреп, Худайны пілбин, пасха худайларға пазырғазар. Олар сынында худай ниместер. <sup>9</sup> Амды Худайны піліп

---

\* <sup>4:6</sup> Арамей тілінең «Авва» теені Пабам полча.

алғазар, алай аннаң артық чоохтаза, Худай сірерні піліп алғанда, ноға хатап пу тилекейнің чазығ, уйан күстеріне айланчазар паза постарыңны ағаа хул идін саларға сағынчазар. <sup>10</sup> Күннерні, ай-чыл пайрамнарын паза пасха даа тустарны үлүкүннепчезер. <sup>11</sup> Арса, сірернің үчүн тикке ле тоғынғам тіп, сірерденер сағыс-сырапчам.

<sup>12</sup> Харындастар, мин сірер осхаспын, сірер дее мин осхас полыңар тіп сурынчам. Сірер мині пір дее нименең хомзындырбаазар. <sup>13</sup> Мин пастап, сірерге Чахсы Хабарны таратхан туста, ағырығ полғам. <sup>14</sup> Минің ағыриим сірерге сынағ полған. Сірер, тізең, мағаа чіксінмеезер, че мині, Худай ангелін, Христос Иисусты чіли, удурлаазар. <sup>15</sup> Хайдағ часкалығ полғазар сірер! Сірерденер киречілепчем: ондай полған полза, сірер мағаа харахтарыңны даа, сығарып, пирибізер көңіліг көрінгезер. <sup>16</sup> Андағ полза, сынны чоохтапчатханым үчүн, нөөс, мин сірерге ыырчы пол пардым? <sup>17</sup> Чахсы Хабарны тискер чоохтапчатхан кізілер сірерге арығ сағыснаң хайбинчалар. Постарына хайзыннар тіп, сірерні пістең чарып аларға сіренчелер. <sup>18</sup> Чахсы киректерге хайғаны чахсы. Аны мин килген туста ла нимес, че сыбыра итчетсе, чахсы полар. <sup>19</sup> Палаларым, сірерде Христостың омазы іле көрін парбаанча, сірернің үчүн мин, төрітчеткен чіли, пазох ирееленчем. <sup>20</sup> Минің амды, сірерде полып, пасха чоохтазарым килче. Мин сірерде ниме полчатханым онар полбинчам нооза.

### *Піс пос ипчінің палаларыбыс*

<sup>21</sup> Сірер, чахығның холында чөреге хынчатханнар, чоохтап пириңердек мағаа: чахығ ниме чоохтапчатханым испинчезер бе? <sup>22</sup> Пазылых нооза: Авраамның ікі оол полған. Пірсі хул ипчіден төреен, пірсі пос ипчіден төреен. <sup>23</sup> Хулның төлі — ол кізідең төреені. Пос ипчінің төлі — ол молчағ хоостыра төреені. <sup>24</sup> Пу кип-чоох. Пу ікі ипчі ікі молчағны<sup>c</sup> таныхтапча. Пірсі, Синай<sup>c</sup> тағда алылғаны, Агарь полча. Аның палалары хул поларға төріпчелер. <sup>25</sup> Агарь Арав чиріндегі Синай тағны таныхтапча. Сағамғы Иерусалим Агарьға төйі. Ол позының палаларынаң хада хулда чөрче нооза. <sup>26</sup> Тигірдегі Иерусалим, тізең, пос. Ол піске прайзыбысха инебіс полча. <sup>27</sup> Пазылых нооза:

«Төлі чох, пала көрбеен ипчі, өрін!

Пала таап, ирееленмеені, өрініп, хысхыр!

Чалғыс ипчинің палалары уғаа көп.

Ирліг ипчининен хай-хай көп!»\*

<sup>28</sup> Пис, харындастар, Исаак чили, Худай молчаан хоостыра тө-реебіс. <sup>29</sup> Че алында даа кизіден төреені Хуттаң төреенін сүрген. Сағам даа идөк сүрче. <sup>30</sup> Худай Пичии ниме чоохтапча? Хул ипчи-ни паза оолғын сүрібіс. Хул ипчинің оолғы пос ипчинің оолғынаң хада үлүзін ээленмес нооза\*. <sup>31</sup> Ол ондайнаң, харындастар, пис хулның нимес, пос ипчинің палаларыбыс.

**5** Христос пирген пос чуртасха пик тудыныңар. Хул чуртазына пазох хатап пазындырбаңар.

### *Пос хоньхтыг польцаар*

<sup>2</sup> Мына мин, Павел, сіерге чоохтапчам: сіер сүннет итчетсе-нер, Христостаң сіерге пір дее туза полбас. <sup>3</sup> Паза сүннет ит-четкен ноо даа кизее ол чахығны прай толдырарға кирек тіп киречілепчем. <sup>4</sup> Сіер, постарыңны чахығнаң ахтанчатханнар, Христос чох халдыңар, паарсастан чат халдыңар. <sup>5</sup> Пис, тізең, Худай пісті киртініс пастыра ахтир тіп сахтапчабыс. Ол ізеністі піске Хут пирче. <sup>6</sup> Христос Иисуснаң хада полчатсабыс, сүннет иттіргеннің дее, иттірбееннің дее пасхазы чоғыл. Хыныс кирек-терінен позын көзітчеткен киртініс ле кирек. <sup>7</sup> Сіер алнынзар чахсы парчатхазар. Кем, сіернің чолыңарны туйухтап, сынны испеске күстеен полчаң? <sup>8</sup> Иди сағынғаны сіерні Хығыртхан Худайдаң полбас. <sup>9</sup> «Асхынах таа ачытхы прай унны ачыдыбыза-дыр»\*. <sup>10</sup> Сіерні пасха сағынмастар тіп, мин Хан-пигнің сылтаанда ізестіг пілчем. Сіерні ікі сағыстыг итчеткен кизи, кем дее ол ползын, чарғыладар ла.

<sup>11</sup> Харындастар! Мин сағам сүннет иттіреріненер үгретчеткен ползам, ноға мині сүерге кирек? Андада кірестенер үгредіг харыг полбасчых нооза. <sup>12</sup> Йо, сіернің көңнінерні ардатчатханнар хыйа иділген ползалар.

<sup>13</sup> Харындастар, сіер пос хоньхха хығыртыл парғазар. Че, сіернің пос хониинаң кизи хынығыстарына пос салыныбызарға

\* <sup>4:27</sup> Көр: Пурунғы Молчағдағы «Исаийнің ухаан чоохтары» (Исаий) кинде 54:1.

\* <sup>4:30</sup> Көр: Пурунғы Молчағдағы «Пастағлар» (Бытие) кинде 21:9-10.

\* <sup>5:9</sup> Көр: Павелнің коринфтегілерге 1-ғы пичии 5:6.



сылтағ пол парбазын. Удур-төдір хынызып полызызыңар. <sup>14</sup> Прай Моисей Чахии пір чахыға киріл парча нооза: «Чағынына поэнына чіли хын». <sup>15</sup> Көрінер, удур-төдір киміріспенер, чииспенер, пос постарыңны чох ит салчаң полбанар.

### *Худай Худының паза кізілернің киректері*

<sup>16</sup> Мин тіпчем: Худай Худы хоостыра итchedіңер, андада постарыңның хычыхтарыңа салынмассар. <sup>17</sup> Посха хынғаны Худай Худына тоғырланча. Худай Худы посха хынғанға тоғырланча. Олар удур-төдір тоғыр турчалар. Аның сылтаанда сірер идерге хынған нимені итпинчезер. <sup>18</sup> Сірерні Худай Худы устапчатса, андада сірер Моисей Чахиинның холында нимессер. <sup>19</sup> Кізінің поэнының көнніңче итчеткен киректерін прайзы пілче. Олар мындағлар: чөреес хылых, ойнас, арығ нимес киректер, уйат пілбее-ні, <sup>20</sup> пасха худайларға пазырғаны, аптағ, ыырлас, хырыс-табыс, күннес, хазырланыс, тыртыстаныс, көкеесімненіс, тартыс, чара полғаны, <sup>21</sup> хыртыстаныс, іскі, күлет паза андағох пасха нимелер. Анда даа сизіндіргемөк, ам даа сизіндірчем: пу ондайларнаң полчатханнар Худай хан-чирінде<sup>c</sup> үлүс албастар. <sup>22</sup> Худай Худы пирчеткен ниме, тізең, мындағ: хыныс, өрініс, амыр хонных, тыстаныс, паарсас, айас, киртініс, <sup>23</sup> тоғырланмааны, посты тудын пілгені. Пу нимелерге чахығ хадылбас. <sup>24</sup> Че Христостың кізілері пос постарын, хынығыстарын паза хычыхтарын, кіреске хазап салғаннар. <sup>25</sup> Піс Худай Худы хоостыра чуртапчатханыбыста, Худай Худы хоостырох идерге кирекпіс. <sup>26</sup> Көдірілчек полбаалар, істі тарланыспаалар, удур-төдір атархаспаалар.

### *Аар-чүкті хада артынызыңар*

**6** Харындастар! Кізі пірее чазыхтың холына кір парза, сірер, Худай Худынаң устанчатхан кізілер, постарыңны пазынып, аны түзетchedіңер. Пос постарыңны, пірее хынығысха тартыл парыбыспасха тіп, сизініп одырыңар. <sup>2</sup> Кізінің аар-чүгін посха артыныңар. Иди сірер Христостың чахиин толдырарзар. <sup>3</sup> Пір дее нимее чарабинчадып, поэын көдірчеткен кізі поэы поэын алаахтырча. <sup>4</sup> Полған на кізі поэының киреен сыназын, андада пасказын нимес, поэын махтаттырар. <sup>5</sup> Полғаны ла поэының аар-чүгін артын парар нооза. <sup>6</sup> Хыйға сөстең үгретчеткен кізі үгретчізінен пар-чох чахсы нименең үлесчетсін. <sup>7</sup> Алаахтырынманар: Худайға пірдеезі күл полбас. Кізі поэы таарыпчатхан нимені чыып алча.

<sup>8</sup> Кізі хынығыстарының хыразына таарыпчатхан кізі үрепчеткен нимені алар. Худай Худының хыразына таарыпчатханы, тізен, Худай Худынаң мөгі чуртас<sup>c</sup> алар. <sup>9</sup> Чахсы ниме итчетсенер, көнніңер түспезін, тузы читсе, күзі-саабыс сых парбаза, чыыр нимені чыып аларбыс. <sup>10</sup> Ол ондайнаң, тузыбыс ханча пар, анчо прайларына чахсы ниме итчедербіс. Уламох пір киртіністегілерібіске.

### *Түгенчі сизіндіріглер паза алғастар*

<sup>11</sup> Пу улуғ підрлерні көрчезер бе? Мин оларны позымның холымнаң пас салғам.

<sup>12</sup> Постарынаң махтанарға хынчатхан кізілер сірерні сүннет иттірерге күстепчелер. Олар Христостың кірезі үчүн сүрдірерге хынминчалар. <sup>13</sup> Че сүннет иттірчеткеннер постары даа Моисей Чахиин толдырбинчалар нооза. Сірернең махтанарға полып, сірерні сүннет иттіртчелер. <sup>14</sup> Мин, тізен, пір дее нименең махтанарға хынминчам. Хан-пигібіс Иисус Христостың кірезінең не махтанарбын. Мағаа пу тилекей кіресте хазал парған, мин дее пу тилекейге кіреске хазаттырт салғам. <sup>15</sup> Христос Иисуснаң хада полза, сүннетті иттіргеннің алай иттірбееннің пасхазы чоғыл, өөні – наа кізі чайалғаны. <sup>16</sup> Пу ондайнаң тудынчатханнарға амыр хонь паза өлчей алғапчам, оларға паза Худай Израильіне. <sup>17</sup> Че паза пірдеезі мині чобалдырбазын. Мин позым даа Хан-пигібіс Иисустың палығларынаң таңмалалат салғам нооза. <sup>18</sup> Сірернің худыңарға Хан-пигібіс Иисус Христостың паарсазы түссін, харындастар. Аминь.